

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 253298 24 St
Zenica, 27.05.2025. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom „OFIĆINA METALMEKANIKA ERMEN” d.o.o. Zavidovići, sa sjedištem u Zavidovićima, Industrijska zona “Ekonomija-Batvice” bb, Zavidovići, 27.05.2025. godine donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predjme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj „OFIĆINA METALMEKANIKA ERMEN” d.o.o. Zavidovići, podnio je prijedlog za otvaranje likvidacionog postupka nad društvom „OFIĆINA METALMEKANIKA ERMEN” d.o.o. Zavidovići, 22.11.2022. godine. Sud je 10.03.2023. godine donio Rješenje o pokretanju likvidacionog postupka, a naredbom od 12.09.2024. godine da se spis prevede u stečaj. Likvidator Samir Karahasanović je na ročištu za ispitivanje uvjeta za otvaranje stečajnog postupka izjavio da ostaje kod prijedloga da se nad naprijed navedenim društvom otvori stečajni postupak iz razloga jer je društvo nesolventno i platežno nesposobno već duži vremenski period, nema nikakve poslovne aktivnosti, a tokom likvidacionog postupka utvrđeno je da postoje i određene obaveze prema povjeriocima koje nisu izmirene jer društvo nije imalo imovinu iz koje bi se formirala likvidaciona masa i isplatili povjerioci. Obzirom na naprijed navedeno predložio je da sud pozove povjerioce da u ostavljenom zakonskom roku uplate predujam u iznosu od 5.000,00 KM za dalje vođenje stečajnog postupka.

Iz izvještaja likvidatora se vidi da u društvu nije evidentirana imovina.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predjme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić